

國方志叢書·華中地方·第九二一號

據

清·高植、沈錫三等纂修
清乾隆四十五年刊本

影印

江 西 省

德化縣志

(二)

成文出版社有限公司印行

中華民國七十八年三月臺一版

德化縣志

共三冊

發行人：黃

成

助

台北郵政信箱二二六〇五號

出版者：成文出版社有限公司

台北郵政信箱二二六〇五號

台北市南京東路三段270號9F

電話：七四一五四三二一九

印刷者：上林彩色印刷有限公司

台北市大理街145號

新聞局出版登記證：局版台業字第一一四三號

德化縣志卷第十一

知德化縣事武康高植輯

列女

易之爲義乾健坤順秉性各殊要歸則一忠臣義士赴湯蹈火不避顯戮若閨閣中人足不踰闕外類皆怯弱自處無敢爭高下是非以順爲正復何憚焉然嘗觀於古昔如封髮表心剖肝明志史書流傳何其壯歟夫刀鋸在前鼎鑊在側男於是表忠誠女卽於是驗志節無二道也考志所載有賢婦有孝婦節婦烈婦孝女烈女遭逢豫順左右承歡賢婦所爲其親鄭公之嫗殆乎孝女孝婦或水

火兵刃矣節婦加勁焉子卿之牧豕似之至烈女
烈婦則其遇愈奇其貞愈顯嚴將軍頭暗侍中血
何者不於巾幗中遇之噫坤以類爲教猶慷慨從
容兩俱無憾况乾健者其將何以自處哉志列女
節婦

明

董氏南昌人嫁德化民魏輔四載生子宏中年二十有五
而寡守節奉親終身無玷永樂中詔旌其門

賈氏庠生劉相妻陵細縣令黃鳳女也相迎父喪卒于濟
寧柩至黃觸柩流血被面欲以死殉時年二十有一矢
志靡他衰經十年事繼姑益謹甘貧守節四十餘年

郭氏王志廉妻南昌衛人年二十五而寡撫其子朝臣經理家政守節四十餘年

吳氏庠生黃文燦妻也年二十九夫死守節奉事二姑四十餘年如一日天啓四年知府鄒賜匾曰貞操聯錫巡按陳題請旌獎額曰潯水栢舟

蔡氏周昂妻監生蔡浦女也年二十而寡昂臨終以銅簪屬之曰汝無忘此蔡泣受佩服五十餘年簪磨蝕不替撫二孤女婚嫁如禮鄉人欽之

魏氏何一夔妻年二十八夫亡守節崇正間按院劉題請旌表年九十六卒

王氏李仲榮妻榮死王年二十二生子兩月水漿不入口

者數日公姑憐孫再三勸諭始起父母令改嫁氏號哭以拒年荒茹蕨奉公姑惟謹教子入庠旋故教孫入庠亦故年八十禮部尚書黃口疏請建坊云永訣矢栢舟之志黯結愁雲餘生值茹蕨之年憂深碎玉麟趾泮宮競秀龍章邵屋生輝表曰李仲榮妻貞節之門

孟氏夏溱繼室溱官鳳陽府懷遠衛經歷卒於任孟年二十二已無出惟溱前室九歲孫夏登高孟厲志守節撫孤至成立配戴氏生曾孫四人九十四歲終縣令旌曰松筠並茂至曾孫思堯用明經舉皆孟遺澤也

萬氏河南布政使衣長女諸生文士良爲贅婿育二女而士良卒年甫二十有七父母知其志不可奪謂曰汝家

無舅伯叔尚五人可奉姑汝依兄弟以老氏勉從之然
歲時伏臘孝敬於姑者倍膝下也迨氏七十餘老矣子
姪徃省必指木主曰子諸父也拜氏未嘗不涕簌簌下
云崇正間疏于朝得旌會亂未卽舉

周氏德化縣鄉民趙守彥妻年二十六與妾黃氏同守撫
子國玉成立生孫萬式俱補弟子員卒年九十有二士
民以節聞於督學王維夔旌其門曰竹栢風清巡撫解
學龍嘉其節壽爲之題請建坊人爭榮之

段氏庠生王佐之祖母年方二十夫尚映死氏無出撫前
妻子配辰僅二歲截髮守節五十餘年卒崇正間合郡

公舉于當事巡道王爲作傳額其匾曰奇節可風

朱氏王來聘妻年二十四喪夫矢志堅操偕寡母劉氏相助守節年七十卒知府張懋謙額其堂曰節孝可風

魏門宋氏

黃門吳氏

廖門陳氏

門段氏

以上各姓氏俱列節孝祠中

國朝

文氏勅封文林郎士宏女適庠生趙萬式蚤卒氏年二十五矢志奉姑及祖姑庶姑皆賴孝養以終復葬夫於祖

塋側廬墓教子泣血終身近墓松三五株結成連理遠
近異之子世學列名庠序

陳氏庠生黃鍾獄妻也初割股救母後割股救姑又割股
救夫年二十七夫亡歷嘗艱苦紡績育子子天更撫孫
成立時其文氏同舉節孝知縣張口曰二婦年近古稀
心如一日肝腸一片俱比綠竹青松貞節兩家可配嚴
霜烈日輿情允協見聞不虛宜旌門楣以彰特典

萬氏貢生萬堯臣女庠生楊徽典妻也婦範著聞能相夫
以禮處舅姑喪哀毀過節年二十七夫卒子在襁褓旋
遭亂離家資僮僕盡毀于兵氏從一白矢撫子讀書紡
績供膳子柳入邑庠中康熙丙午科副榜苦志篤學皆

萬訓誨力也祀節孝祠

廖氏適毛光卿年二十九而寡老姑七十餘歲僅一子明
遴尚在襁褓氏誓守清操獨事姑十年承顏養志課子
學行嚴如父師賴以成立登順治甲午賢書氏有女毛
大姑適瑞邑諸生夏旣瑚年二十而寡守節三十年左
逆屠城被戮氏有媳朱氏亦與難奪刃自殺黨庠以三
節萃于一門義而舉之各官俱力爲闡揚俾幽貞悉顯
云祀節孝祠

王氏生員史集勲妻撫孤子超備嘗艱苦動必以正言笑
不苟壽七十有六祀節孝祠

費氏金必有妻年二十夫亡子在襁褓值兵燹家產盡廢

守志不渝孫瓚入邑庠祀節孝祠

傅氏儒士羅光錦妻也夫死氏年十八遺腹生一子翁姑篤老卧病氏養老撫幼無所失道年七十四卒祀節孝祠

薛氏喬若蘇妻夫亡無嗣年二十五無親姪廷佐爲已子慈孝無間早卒遺孫在茲娶婦姜生子建鎬甫一歲在茲又故復與孫婦撫遺孤年八十四卒祀節孝祠

袁氏戊午經魁袁植之姑也適羅光鉉生子甫一歲夫卒氏年十九矢志守節奉舅姑撫幼子日食不繼鬻粧奩以給茹苦三十餘年祀節孝祠

熊氏邑庠黃鍾嶽之孫婦年二十夫亡無子矢志守節祀

節孝祠

金氏劉公夏妻二十八歲夫故守節五十餘年祀節孝祠
柳氏宋汝爲妻年十九守節七十六歲卒祀節孝祠

張氏孫續志妻于歸一載夫疾刲股以療不起誓以身殉
家人敦勸大義乃撫從伯之子繼輅爲已子以奉夫祀
年八十五卒入節孝祠

熊氏國學葉萬裔妻歸七年夫死乏嗣擗踊欲殉念高堂
白髮子職夫不及盡忍苦習勤事生送死悉代終之壬
子春寢疾以雄毛洲膳田永爲祭產命長姪國學蘭抱
稟求邑侯張印照其餘均給子姪讀書膏火真可謂節
孝並著者年六十九卒從祀節孝祠

葉氏邢彩九妻進士平江令苾春女孫年十七夫入贅未
一月姑疾篤不擇日卽隨夫奔侍湯藥滌污穢悉身親
之及姑故哀毀如所生暮年夫等逝乏嗣惟太姑在堂
氏曰太姑非氏無以終餘年因茹苦盡物盡志以節孝
著者三十餘年節孝祠祀之

吳氏生員楊憲宇繼妻守節雍正七年旌表建坊

高氏邑庠生劉焜妻年十八于歸惟祖姑在堂薦老不食
氏以乳進祖姑亟稱其孝二十五守節歷四十一年雍
正八年旌表建坊

蔡氏羅憲雲妻年二十六守節八十一卒雍正八年旌表
建坊

黃氏邑庠生萬昭妻年二十四守節壽八十三乾隆五年旌表建坊

廖氏國學生孫纘頴妻年二十八守節乾隆十年旌表建坊

胡氏余方卿妻年二十九守節雍正三年旌表

湯氏岳繼忠妻年二十五守節乾隆二年旌表建坊

馮氏邢維楷妻年二十四守節乾隆六年旌表建坊

張氏吳繼琬妻年二十九守節乾隆八年旌表建坊

王氏邑庠生黃鉞妻守節三十五年乾隆十年旌表建坊

蔡氏庠生陳裔虞妻年二十夫亡僅一女堅苦守節五十

八歲卒祀節孝祠

黎氏盧遜妻

雷氏生員趙光開妻

熊氏國學萬妻

江氏陳輯武妻

楊氏官南兵妻

何氏光普妻

熊氏黃騰妻

黃氏生劉妻

張氏王世求妻

王氏士妻

鄒氏饒吳伯妻

虞氏生員宋啓謨妻

蔡氏 士 妻

徐門楊氏

吳門王氏

葉門熊氏

以上各姓氏俱列節孝祠中

蔡氏儒士黃河濤妻年二十四夫亡無子誓無他志節久

彌貞

熊氏蔡子暹妻年二十夫卒養舅姑撫子盡道子以敬早

卒復與子婦瞿氏撫二孫以至成立年八十有八卒

向氏花二周妻子歸四載夫亡守節家貧躬紡織以奉舅

姑課子謹嚴次子潤色食餽於庠

曹氏邑庠曹名琦之女郡諸生范士瑤妻也年二十九夫故以節孝稱子從珍由邑庠入太學氏年六十卒

黃氏邑庠黃一燦女適郡庠生范士瑾年二十九夫故撫遺腹子從浚延師課讀入郡庠貢成均施貧恤族更著賢聲年六十一卒

鄒氏庠生劉祖坤妻也年二十四守節弟鄒某憐其年少無出諷令改醮氏正色叱之遂絕往來祖坤兩弟以其嫂寡議撥田租四十石供衣食氏言過多辭租之半親操井臼終身蔬食餘穀以周隣嫗之乏鄉里咸相推重年七十四卒